

ხელშეკრულება
სახელმწიფო შესყიდვის შესახებ №2020/11
ელექტრონული ტენდერი (აუქციონის გარეშე) (NAT190023394)

ქ. თბილისი

24 დეკემბერი, 2019 წელი

ერთი მხრივ, საქართველოს იუსტიციის სამინისტროს მმართველობის სფეროში მოქმედი სსიპ „აღსრულების ეროვნული ბიურო“ წარმოდგენილი მისი ეკონომიკური სამსახურის უფროსის მოვალეობის შემსრულებლის თამარ ყუფარაძის სახით (შემდგომში „შემსყიდველი“) და მეორე მხრივ, შპს „საქართველოს ფოსტა“ წარმოდგენილი მისი გენერალური დირექტორი ლევანი ჩიკვაძის სახით (შემდგომში „მიმწოდებელი“), შემდგომში ორივე ერთად წოდებული როგორც მხარეები „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ე“ ქვეპუნქტის, სახელმწიფო შესყიდვების სააგენტოს 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული ელექტრონული ტენდერის (აუქციონის გარეშე) სწრაფი საერთაშორისო საფოსტო მომსახურების სახელმწიფო შესყიდვის საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ ტენდერში (NAT190023394)
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“- შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 დანართი №1 - ტექნიკურ დავალება
 - 1.3.2 დანართი №2 - მომსახურების ხარჯთაღრიცხვა
 - 1.3.3 დანართი №4 - პრეტენდენტის რეკვიზიტები
- 1.4. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ სწრაფი საერთაშორისო საფოსტო მომსახურების (შემდგომში „მომსახურება“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: CPV 64100000; 64110000.
- 2.3 გასაწევი მომსახურების დასახელება, ზომის ერთეული და ერთეულის ფასი განისაზღვრება დანართი №2-ის შესაბამისად.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №2-ის შესაბამისად და შეადგენს **23,000.00 (ოცდასამი ათასი ლარი და 00 თეთრი)** ლარს.
- 3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მომსახურების გაწევის ვადა და ადგილი

- 4.1 მიმწოდებელი მომსახურების გაწევას განახორციელებს ხელშეკრულების გაფორმების შემდგომ, საჭიროების მიხედვით ეტაპობრივად, 2020 წლის 01 იანვრიდან - 2020 წლის 25 დეკემბრის ჩათვლით.
- 4.2 მომსახურების გაწევის ადგილი: ქ. თბილისი, აღმაშენებლის ხეივანი მე-10 კმ.
- 4.3 მომსახურების გაწევასთან დაკავშირებულ ხარჯებს ანაზღაურებს მიმწოდებელი.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებს სსიპ „აღსრულების ეროვნული ბიურო“-ს ეკონომიკური სამსახურის ლოჯისტიკის განყოფილების თანამშრომელი (შემდგომში „ინსპექტირების განმახორციელებელი პირი“).
- 5.3 ინსპექტირების განმახორციელებელი პირის ფუნქციებია:
 - 5.3.1 გაუწიოს კონტროლი ხელშეკრულებით გათვალისწინებული მომსახურების გაწევის ვადების დაცვას;
 - 5.3.2 დაადგინოს გაწეული მომსახურების ან/და მისი ნაწილის ხარისხის შესაბამისობა ხელშეკრულებით გათვალისწინებულ მოთხოვნებთან;

5.3.3 გააფორმოს მიმწოდებელთან მიღება-ჩაბარების აქტი, უზრუნველყოს გაწეული მომსახურების მიღება და ანგარიშსწორების პროცესის რეგულირება.

6. მომსახურების საგარანტიო პირობები და ვადები

- 6.1 მიმწოდებელი იძლევა გარანტიას, რომ გაწეული მომსახურება იქნება ხარისხიანი და შესაბამისი დანართი №1 და დანართი №2 - ით გათვალისწინებულ ტექნიკურ დავალებას და მომსახურების ხარჯთაღრიცხვას.
- 6.2 მიმწოდებელი ვალდებულია შემსყიდველის მიერ წერილობითი მოთხოვნიდან 1 (ერთი) დღის ვადაში განახორციელოს წუნდებული მომსახურების გამოსწორება, შემსყიდველის მხრიდან რაიმე დამატებითი დანახარჯის გაწევის გარეშე.
- 6.3 შემსყიდველ ორგანიზაციას უფლება აქვს უარი განაცხადოს წუნდებული მომსახურების მიღებაზე.

7. მომსახურების მიღება-ჩაბარების წესი

- 7.1 მიმწოდებლის მიერ გაწეული მომსახურება ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2 მიღება-ჩაბარების აქტი დგება მომსახურების (ან მისი ნაწილის) მიწოდების დასრულების შემდეგ, ორივე მხარის მიერ დადასტურებული ხელმოწერით.
- 7.3 მიმწოდებელმა შემსყიდველს უნდა წარუდგინოს ფაქტიურად გაწეული მომსახურების შესაბამისად გაფორმებული მიღება-ჩაბარების აქტი და საქართველოს კანონმდებლობით დადგენილი შესაბამისი საგადასახადო დოკუმენტი.
- 7.4 მომსახურების (ან მისი ნაწილის) მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 7.5 ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს წარმოადგენს სსიპ „აღსრულების ეროვნული ბიურო“-ს ეკონომიკური სამსახურის ლოჯისტიკის განყოფილების უფროსი ან/და ამავე განყოფილების უფროსის მოვალეობის შემსრულებელი.

8. ანგარიშსწორების პირობები და ვადები

- 8.1 ანგარიშსწორება განხორციელდება ყოველთვიურად, უნაღდო ანგარიშსწორების ფორმით ლარში, ფაქტიურად გაწეული მომსახურების მოცულობის შესაბამისად, მიმწოდებლის საბანკო რეკვიზიტებზე.
- 8.2 ანგარიშსწორება განხორციელდება „სააღსრულებო წარმოებათა შესახებ“ საქართველოს კანონის საფუძველზე მიღებული 2020 წლის საკუთარი შემოსავლებით.
- 8.3 ანგარიშსწორება მიმწოდებელთან განხორციელდება ხელშეკრულების 7.2 და 7.3 პუნქტებით გათვალისწინებული დოკუმენტების საფუძველზე, წარმოდგენიდან არაუგვიანეს 10 (ათი) სამუშაო დღის განმავლობაში.
- 8.4 8.3 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 7.5 პუნქტში მითითებული პირი.
- 8.5 წინასწარი ანგარიშსწორება (ავანსი) არ გამოიყენება.
- 8.6 შემსყიდველი უფლებამოსილია, ხოლო მიმწოდებელი თანახმაა ხელშეკრულების 12.3 და 12.4 პუნქტებით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან და გადარიცხოს მიმწოდებლის სახელით სსიპ „აღსრულების ეროვნული ბიუროს“ ანგარიშზე სახელმწიფო ხაზინაში.
- 8.7 საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

9. მხარეთა უფლება-მოვალეობანი

- 9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.
- 9.2 შემსყიდველი უფლებამოსილია:
 - 9.2.1 განახორციელოს ზედამხედველობა მიმწოდებლის მიერ ხელშეკრულების პირობების დაცვაზე;
 - 9.2.2 მომსახურების გაწევის ვადების დარღვევის შემთხვევაში, მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
 - 9.3.1 მიიღოს გაწეული მომსახურება;
 - 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;
 - 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები.
- 9.4 მიმწოდებელი უფლებამოსილია:
 - 9.4.1 მოითხოვოს შემსყიდველისგან გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;
 - 9.4.2 ანგარიშსწორების ვადის დარღვევის შემთხვევაში, შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად.
- 9.5 მიმწოდებელი ვალდებულია:
 - 9.5.1 მიაწოდოს შემსყიდველს ხარისხიანი მომსახურება;
 - 9.5.2 მომსახურების გაწევა განახორციელოს წინამდებარე ხელშეკრულების დანართი №1-ის და დანართი №2-ის შესაბამისად;
 - 9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;

9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;

9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არცერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.
- 10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

- 11.1 ხელშეკრულება შეიძლება შეწყდეს:
 - 11.1.1 მხარეთა წერილობითი შეთანხმებით;
 - 11.1.2 ხელშეკრულების ვადის გასვლის გამო;
 - 11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:
 - 11.2.1 მიმწოდებელი არ ასრულებს ან არაჯეროდნად ასრულებს ხელშეკრულებით ნაკისრ ვალდებულებებს;
 - 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;
 - 11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
 - 11.2.4 ხელშეკრულების 12.3. და 12.4 პუნქტებით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 5%.
 - 11.2.5 მიმწოდებლის გაკოტრების შემთხვევაში;
 - 11.2.6 საქართველოს კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

- 12.1 მხარეები იღებენ ვალდებულებას, აღნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს გადასახდელი თანხის 0.02% ყოველი ვადაგადაცილებული დღისათვის.
- 12.3 მიმწოდებელი პასუხისმგებელია მომსახურების გაწევის ვადების და ხელშეკრულების პირობების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს ხელშეკრულების მთლიანი ღირებულების 0.02% ყოველი ვადაგადაცილებული დღისათვის.
- 12.4 თუ მიმწოდებელი არ განახორციელებს წუნდებული მომსახურების გამოსწორებას, ხელშეკრულების 6.2 პუნქტის შესაბამისად, დაეკისრება პირგასამტეხლოს სახით ხელშეკრულების მთლიანი ღირებულების 0.02 % ყოველი ვადაგადაცილებული დღისათვის.
- 12.5 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორის მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორცაა ომი, სტიქიური მოვლენები, ეპიდემია და ა.შ.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.

- 13.4 ფორს-მაჟორული გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადადმე შეწყვიტონ ხელშეკრულების მოქმედება.

14. დავების გადაწყვეტა

მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობით დადგენილი წესის შესაბამისად.

15. ხელშეკრულების სხვა პირობები

- 15.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 15.2 ამ ხელშეკრულებით გაუთვალისწინებელი საკითხები განისაზღვრება საქართველოს მოქმედი კანონმდებლობის შესაბამისად.
- 15.3 ხელშეკრულება შედგენილია ქართულ ენაზე და მასზე შესრულებულია კვალიფიციური ელექტრონული ხელმოწერა ან/და დასმულია კვალიფიციური ელექტრონული შტამპი, კანონმდებლობით დადგენილი წესის შესაბამისად.

16. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2021 წლის 31 იანვრის ჩათვლით.

17. მხარეთა რეკვიზიტები:

„შემსყიდველი“

საქართველოს იუსტიციის სამინისტროს სსიპ „აღსრულების ეროვნული ბიურო“

იურიდ. მის: ქ. თბილისი, დავით აღმაშენებლის ხეივანი მე-10 კმ.

ბანკის კოდი: TRESGE22

მიმღების ბანკი: სახელმწიფო ხაზინა;

მიმღების დასახელება: ხაზინის ერთიანი ანგარიში;

მიმღების ანგარიში/სახაზინო კოდი: 707453459

საიდენტიფიკაციო კოდი: 205263873

„მიმწოდებელი“

შპს „საქართველოს ფოსტა“

იურიდ. მის: ქ. თბილისი, ვაგზლის მოედანი №2;

ტელ: 577182058;

სს „საქართველოს ბანკი“;

ბანკის კოდი: BAGAGE22;

ა/ა GE13BG0000000123286800;

საიდენტიფიკაციო კოდი: 203836233.

თამარ ყუფარაძე

ეკონომიკური სამსახურის უფროსის

მოვალეობის შემსრულებელი

ლევანი ჩიკვაძე

გენერალური დირექტორი



ტექნიკური დავალება

მიმწოდებელმა უნდა უზრუნველყოს ს.ს.ი.პ. „აღსრულების ეროვნული ბიურო“-სთვის სწრაფი საერთაშორისო საფოსტო მომსახურების გაწევას.

სწრაფი საერთაშორისო მომსახურება გულისხმობს:

ა) მიმწოდებლის კურიერის უფასო გამოძახებას და კურიერის მიერ გზავნილების ჩაბარებას სამუშაო დღეებში 09:00-დან 18:00 საათამდე, შაბათს საჭიროების შემთხვევაში 09:00-დან 14:00 საათამდე.

ბ) ინტერნეტ პორტალის მეშვეობით გზავნილების კარიდან კარამდე ონლაინ თრეკინგს (სატრანზიტო ქვეყნების ჩათვლით)

გ) წერილების გაგზავნის დროს: საერთაშორისო საფოსტო გზავნილების ჩაბარების შესახებ შეტყობინების შემსყიდველისთვის დაბრუნებას თბილისში-გზავნილების ადრესატისთვის ჩაბარებიდან 5 სამუშაო დღეში.

დ) საერთაშორისო გზავნილების შეფუთვისათვის საჭირო მასალის მიწოდებას.

ე) შემსყიდველისთვის საერთაშორისო გზავნილების რეგისტრაციის მკაცრი აღრიხვის, უნიკალურ ნომრიანი ზედდებულების მიწოდებას.

ვ) თუ მიმწოდებელი ვერ განახორციელებს გზავნილის ჩაბარებას ზედნაღებში მითითებული არასწორი ინფორმაციის, მიმღების მიერ გზავნილის მიღებაზე განცხადების ან/და ზედნაღებში მითითებულ მისამართზე 2-ჯერ არდახვედრის შემთხვევაში, მიმწოდებელი ვალდებულია დაუყონებლივ შეატყობინოს აღნიშნული შემსყიდველს და უზრუნველყოს შემსყიდველის მოთხოვნის შემთხვევაში გზავნილის უკან დაბრუნება არაუმეტეს 6 (ექვსი) სამუშაო დღის განმავლობაში. ამ შემთხვევაში გზავნილის უკან დაბრუნების ღირებულების გადახდას უზრუნველყოფს შემსყიდველი მომსახურების ხარჯთაღრიცხვაში მოცემული უკან დაბრუნების ტარიფის ღირებულების ოდენობით (დანართი №1)

ზ) იმ შემთხვევაში თუ გზავნილი ადრესატისთვის ჩაბარება ვერ ხორციელდება დადგენილ ვადაში მიმწოდებელმა დაუყონებლივ უნდა უზრუნველყოს შემსყიდველისთვის აღნიშნული გარემოების შეტყობინება.

მომსახურების გაწევის ვადები და ადგილი:

მომსახურება სავალდებულოა განხორციელდეს შემსყიდველი ორგანიზაციის მიერ ხელშეკრულების გაფორმების შემდგომ, საჭიროების მიხედვით ეტაპობრივად, 2020 წლის 01 იანვრიდან - 2020 წლის 25 დეკემბრის ჩათვლით.

საერთაშორისო გზავნილის ადრესატისათვის მიტანა უნდა განხორციელდეს მიმწოდებლის მიერ

შემსყიდველისაგან გზავნილის ჩაბარებიდან:

ა) ევროპის ქვეყნებში – არაუმეტეს 3 (სამი) სამუშაო დღეში;

ბ) ამერიკაში – არაუმეტეს 4 (ოთხი) სამუშაო დღეში;

გ) დსთ-ს ქვეყნებში – არაუმეტეს 5 (ხუთი) სამუშაო დღეში;

დ) სხვა დანარჩენ ქვეყნებში – არაუმეტეს 6 (ექვსი) სამუშაო დღეში.

ე) გზავნილის უკან დაბრუნება ყველა ქვეყნიდან (შემსყიდველის მოთხოვნით) - არაუმეტეს 6 (ექვსი) სამუშაო დღეში.

„შემსყიდველი“

საქართველოს იუსტიციის სამინისტროს სსიპ „აღსრულების ეროვნული ბიურო“

„მიმწოდებელი“

შპს „საქართველოს ფოსტა“

თამარ ყუფარაძე

ეკონომიკური სამსახურის უფროსის

მოვალეობის შემსრულებელი

ლევანი ჩიკვაძე

გენერალური დირექტორი

მომსახურების ხარჯთაღრიცხვა

N	გაგზავნის მიმართულება	გზავნილის სავარაუდო წონა	გზავნილის რაოდენობა (ცალი)	ერთეულის ფასი (ლარი)	საერთო ფასი (ლარი)
1	ევროპის ქვეყნები	0,5 კგ – მდე	80	80.00	6 400.00
2	ამერიკა	0,5 კგ – მდე	10	100.00	1 000.00
3	დსთ-ს ქვეყნები	0,5 კგ – მდე	70	80.00	5 600.00
4	სხვა დანარჩენი ქვეყნები	0,5 კგ – მდე	100	100.00	10 000.00
5	გზავნილის უკან დაბრუნება ყველა ქვეყნიდან	0,5 კგ – მდე	10	0	0
სულ ჯამი:					23 000.00

შენიშვნა:

1. წინამდებარე ცხრილში მოცემული მომსახურების (საფოსტო გზავნილი) რაოდენობები საორიენტაციოა, მათი რაოდენობა შეიძლება შეიცვალოს.
2. ამ ტენდერით გათვალისწინებული მომსახურების გაწევა ხორციელდება საჭიროების მიხედვით. შესაბამისად, მომსახურების გაწევის ვადის ამოწურვის მომენტისათვის (2020 წლის 25 დეკემბერი) დარჩენილი თანხა (არსებობის შემთხვევაში) რჩება შემსყიდველთან და იგი არ წარმოშობს რაიმე დამატებით ვალდებულებებს მიმწოდებლის მიმართ.
3. საჭიროების შემთხვევაში შესაძლებელია მოხდეს სხვადასხვა პოზიციებისთვის განსაზღვრული გზავნილის რაოდენობების გადათამაშება, ისე რომ არ მოხდეს ჯამური თანხის გაზრდა.

„შემსყიდველი“
საქართველოს იუსტიციის სამინისტროს სსიპ „აღსრულების
ეროვნული ბიურო“

თამარ ყუფარაძე
ეკონომიკური სამსახურის უფროსის
მოვალეობის შემსრულებელი

„მიმწოდებელი“
შპს „საქართველოს ფოსტა“

ლევანი ჩიკვაძე
გენერალური დირექტორი

რეკვიზიტები

მიმწოდებლის დასახელება;	შპს "საქართველოს ფოსტა"
საიდენტიფიკაციო კოდი;	203836233
ოურიდიული მისამართი;	ქ.თბილისი, ვაგზლის მოედანი №2
მობილური ტელეფონი;	577182058
ფაქსი;	+995 910654
E-mail;	i.muladze@gpost.ge
ხელმძღვანელის თანამდებობა;სახელი გვარი;	გენერალური დირექტორი ლევანი ჩიკვაძე
მომსახურე ბანკის დასახელება, ბანკის კოდი;	სს "საქართველოს ბანკი" ; BAGAGE22
ანგარიშის ნომერი;	GE13BG0000000123286800

„შემსყიდველი“
საქართველოს იუსტიციის სამინისტროს სსიპ „აღსრულების
ეროვნული ბიურო“

„მიმწოდებელი“
შპს "საქართველოს ფოსტა"

თამარ ყუფარაძე
ეკონომიკური სამსახურის უფროსის
მოვალეობის შემსრულებელი

ლევანი ჩიკვაძე
გენერალური დირექტორი

